

**ACTA DA XUNTA DE GOBERNO LOCAL**  
**Sesión extraordinaria e urxente do 11 de xuño de 2010**

**ASISTENTES:**

**Membros :**

D. Abel Caballero Álvarez  
D. Francisco Xabier Alonso Pérez  
D. Xulio Calviño Rodríguez  
D. Carlos López Font  
D. Eudasio Álvarez Álvarez  
D<sup>a</sup> M<sup>a</sup> Xosé Méndez Piñeiro  
D. Santos Héctor Rodríguez Díaz

**NON ASISTEN:**

D<sup>a</sup> Isaura Abelairas Rodríguez  
D. Santiago Domínguez Olveira  
D. José Manuel Mariño Mendoza

**Invitados:**

D<sup>a</sup> María Jesús Lago Rey

D<sup>a</sup> Raquel Díaz Vázquez  
D<sup>a</sup> Laura López Atrio  
D. Angel Rivas González  
D. Xesús López Carreira  
D<sup>a</sup> Iolanda Veloso Ríos

Na Casa do Concello de Vigo, ás trece horas e corenta e cinco minutos do día once de xuño de dous mil dez e baixo a presidencia do Excmo. Sr. Alcalde, Sr. Caballero Alvarez, coa asistencia dos concelleiros/as anteriormente citados, actuando como Secretario o concelleiro, Sr. Calviño Rodríguez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, o titular do órgano de apoio á Xunta de Goberno Local, Sr. Lorenzo Penela, o interventor xeral, Sr. González Carnero, titular da Asesoría Xurídica, Sr. González Yebra-Pimentel..

A Xunta de Goberno Local adopta os seguintes acordos:

**1.- RATIFICACIÓN DA URXENCIA.**

A Xunta de Goberno Local ratifica a urxencia da sesión.

**2.- PROXECTO DE PROTECCIÓN E CONSERVACIÓN DO PATRIMONIO HISTÓRICO E PAISAXÍSTICO DOS XARDÍNS DE PEREIRÓ. EXPTE. 5139/446.**

Examinadas as actuacións do expediente, de conformidade co informe proposta da Secretaria da Mesa de Contratación do 10.06.2010, e o informe da técnica de Fiscalización e Control do 11.06.10 co conforme do Interventor Xeral, a Xunta de Goberno Local acorda:

1º.- Adxudicar provisionalmente á mercantil XESTIÓN AMBIENTAL DE CONTRATAS, S.L., o procedemento aberto para a contratación das obras (expediente 5139-446) por un prezo total de 274.730,43 euros IVE incluído (a cota correspondente o IVE é de 37.893,85 euros) e coas seguintes prestacións adicionais:

- Sobre o persoal mínimo medio esixido de 5 persoas, aportan a maiores 1 persoa procedente de situación legal de desemprego das que 1 persoa é desempregada de longa duración.
- Fixa a achega ao control de calidade na porcentaxe do 3 %.
- Incrementa o prazo de garantía en 48 meses respecto do prazo de 12 meses fixados no prego de cláusulas administrativas particulares, co que o prazo total de garantía é de 60 meses.
- Propón a execución das seguintes melloras valoradas por un importe total de 13.422,25 € euros:
  1. Bancos (4 ud)
  2. Alcorque de granito (19 ud).
  3. Reixas alcorque(19 ud).
  4. Rehabilitación de bancos existentes.

Todo o anterior de acordo co prego de cláusulas administrativas particulares e o proxecto aprobado por acordo da Xunta de Goberno de 23 de abril de 2010 e a oferta presentada.

2º.- No prazo dos 10 días hábiles seguintes a inserción no perfil do contratante do presente acordo, o adxudicatario provisional terá que presentar a seguinte documentación:

- Declaración responsable de non estar incurso en prohibición de contratar, que incluíra ademais a certificación de acharse ao corrente das súas obrigacións tributarias co Estado, Xunta de Galicia e coa Seguridade Social.(A non existencia de débedas de carácter tributario co concello de Vigo comprobárase directamente por esta administración).
- Resgardo da garantía definitiva e, no seu caso, da garantía complementaria esixida.
- Ter ingresado na conta do concello o custe dos anuncios de licitación por importe de 916,90 euros.

3º.- Esta proposta de adxudicación provisional se converterá en proposta de adxudicación definitiva sen necesidade dun novo acordo da mesa de contratación, se se presentan os documentos esixidos no apartado 2º da proposta.

E sen ter máis asuntos que tratar, o Sr. presidente rematou a sesión ás trece horas e corenta e oito minutos. Como secretaria dou fe.  
me/kv.

O CONCELLEIRO-SECRETARIO  
DA XUNTA DE GOBERNO LOCAL,

Julio Calviño Rodríguez..